

張三丰先生全集

漢嘉長乙山人李西月重編 張道淵子深氏敬書

閩中朱道生晚成子敬刊

姪 璞春城

朱 瓚素園全校字

男 墳礪溪

前三教上聖靈妙真經

三部真經筆仿黃庭其言本勸人頂敬神聖而却於金丹之道亦具其中字面字義皆可奉行愚本不敢贊一辭因奉師手授並命其即授為註愚乃退而註之題解曰前指太極之

道藏輯要

三丰全集

靈妙真經

十

續畢集十

先三教謂立命了命復命之傳上聖喻言上品金丹靈比先天元神極隱微而難測妙含兌中少女納震男之陽光真經即真鉛也昔上陽真人註太上度人妙經作題頌曰太上端居太極先本於父母未生前度人度我真經度若問真經癸是鉛愚於此題亦云

孚佑帝君開經讚

先天祖炁默默深深琴彈法韻笛奏仙音香花滿室似理林內院沉沉無上三尊聖駕臨

先天祖炁大藥也默默深深未判時也琴喻致和也笛喻調息並喻空中也香花句比鉛花出鼎末二句實指一塵

不染至誠感動也一偈已見全經之旨

爾時洞玄張仙真虬龍捧筆演真經經言三教古聖人道高萬

世享明禪東周尼山素王生冬月望日臨昌平周正建子冬月屬戌於今則屬

九月十日也西方悉達牟尼身四月八日臨衛城商正建丑四月屬辰於今則屬三月

初八日也十方三界太上君二月十五降威靈商正建丑二月屬寅於今則屬正月十五

也幾千百載轉鴻鈞元炁足兮鍾聖英天上地上此三尊浩浩

劫劫皆知名

爾時者爾即已我之對時即陽生之時先天大道皆自爾時

發露故說真經多用此語作起祖師演洞明經晉秩洞玄洞

無所不通玄能窮其妙今又演此靈妙真經包括金丹大藥

道藏輯要

三丰全集 靈妙真經

十一 續畢集十

虬屬陰龍屬陽陰陽會於筆下大道出於真經也經言古聖

人出世成道之後受享萬代明禪勉後學頂禮聖人勉後學

誠求金丹也然此上聖三尊誕期不同即可想先天藥產活

子時亦不可拘聖人要數千百載轉鴻鈞元炁充足而後鍾

育其靈此正如金丹之道必越五千四十八日然後金氣足

而水潮生也天地之上惟此三聖最尊一身之中惟金鉛最

貴浩浩劫劫皆聞其名得丹之後經浩浩而不壞也

吾今敷說三聖經水有淵源樹有根願人體此三聖恩歲逢聖

誕孺虔誠不須邊豆如朝廷不須懺會鳴魚鯨只須齋肅正冠

巾洒掃精廬絕纖塵空空虛室然銀燈香篆盤旋一縷清水菓

茗花潔且馨卑躬頂禮候雲耕願保乾元亨利貞願斷貪癡愛  
慾噴願習道德五千文願行三教游長春一念真參念不紛鴻  
麻下賜不因循三聖統該萬部神子福子壽誰阻臨

祖師以敬聖人之意敷說真經則尊真經者卽當如尊聖人  
先天一炁自虛無中出似莫測其根源而豈知陽產癸中實  
是水有源木有本但願人體念其本源之恩若逢真一炁臨  
必抒虔誠迎迓如值聖人誕期焉參同契曰至誠專密謹候  
日辰是也君子以此道爲貴則籩豆之事付與司存懺會之  
徒任彼僧道我惟爲吾人室鑄臨爐正冠岸巾而待以黃房  
爲精廬以玄關爲虛室機塵盡掃萬慮皆空金銀光現儼若

道藏輯要

三丰全集

靈沙真經

十二

續畢集十  
X L X

明燈銀燈喻鉛鼎也一縷清香卽是一陽初氣水菓茗花正  
佛家藥物之喻也爾時水源至清玉蕊初發豈不潔且馨乎  
參同曰真人至妙若有若無爾時要卑躬頂禮曲聽旋視則  
真人之雲耕方至候真人如候聖人也乾元亨利貞比五行  
之攢簇貪癡愛慾噴須一絲之不掛道德五千言說此真常  
道也參酌乎三教之訓乃許大用當前得之俄頃永保長春  
故曰一念真參鴻麻下賜也不因循者片晌結成陽丹也三  
姓會合於中宮萬神皆爲之聽今故曰統該萬部也福我壽  
我全在先天一身之識神誰敢阻哉

若把靈經當真金勝似人間凡鉛銀至誠專密懷奇珍汝家定

許不空貧潤身潤屋富庚辛亥店自在樂無垠匪惟減壽而延齡亦將立命以全形暗中黑籍除幽冥視履嘉祥瑞靄與眼前已展大門庭身後還青賢玉昆積功累行治比鄰風行鄉黨化爲仁百年蟬蛻返瑤京朱霞擁護登天門

真經卽指真金祖師至此明說也真金爲長生命寶豈是凡鉛凡銀所可同語但當至誠專密實若奇珍則真金返舍黃白滿堂夫豈復嘆家貧乎潤屋潤身安居自在皆言凝合丹頭真炁在抱也陽丹到手不但如煉已築基只堪滅病延年直可立命全形長生久視也斯時也仙班題姓黑籍除名所謂罪垢凡塵一筆消也視履之間安然澹然大展門庭丹廬

道藏輯要

三丰全集

靈妙真經

三

續畢集十  
X川上

署仙人之府再以陽丹母氣擒伏陰丹子氣煉成金液九還復加以換鼎分胎則金昆玉仲箇箇會騎鶴也由是而隱顯人竇積功累行旣度了我復度他人天符一到白日飛昇則朱霞擁護登天門矣上根道器須體經義實行乃可臻此勿謂終身口誦卽可成仙也

莫逢聖誕不關心忿恚交加逞惡聲房中昵色並宣淫天神察奪難留停平時敬聖極忱忱到此尤宜戒懼深此刻全無頂禮情卽此可以推居恒

人 聖誕最要關心時值陽生須當用意若猶忿恚逞惡貪戀色未有不走真氣者非特自損其身天神糾察亦將奪

其壽年待時煉已固屬忱忱入室臨爐更深戒懼求鉛無鄭重之情則居恒煉已亦可推其不純也此節反覆誥誠詞旨極明

吾願人人奉祇承洗心滌慮孤衷純視雖不見聽不聞儼然三聖乘紅雲宣尼威儀旭日暎釋迦法象秋月輪函闕紫氣來續紛使人瞻畏時兢兢高山景仰彌懇懃士庶終非凡俗倫

敬聖者須致欽承求鉛者宜守靜篤洗心滌慮純其衷以觀其復焉純與雜相反求丹純誠乃克有濟大抵氣定神凝則純欲動情勝則雜按候求鉛則純非時妄作則雜又况先天之氣默默深深無聲無影不見不聞夫惟恭已視聽乃如有

道藏輯要

三丰全集

靈妙真經

古

續羅集十

見有聞也觀聖人之乘雲若真人之出鼎師所謂一顆紅光是至真也如旭日者陽光新現初三之夕也如秋月者金水充足十五之夜也如紫氣者真氣騰騰玄關火發也丹家言初三又言十五者初三象金水之氣新十五象金水之氣足氣不足則水不生初三十五須在一時看須作一串想不可以數算計也若以數算計安得謂之活子時乎初三之中即兼十五初三則二分藥嫩十五則陽氣純全黃庭云三五合契九九節是也此時進火則有紫氣入關之象否則稍遲刻數即落後天而陽丹難就也故當要瞻望兢兢勿失爻動之候高山景仰所謂形山對面迎真人也丹家知此雖士庶亦

超凡倫入聖之機就在此一戰成功人可不重其事哉師傳  
口訣盡洩於此爲同志告

中天花雨遍乾坤說法臺前氣象新山河大地生光明蓮社花  
開白雪春上帝嘉憐演真經遣神侍衛來丙丁是日是夜月出  
庚清輝朗映虛危星碧落隱隱聞籥笙捧爐信士望空迎尊經  
爲至身爲寶從此修持解邪禳

中天比虛無之境花雨譬金水之生虛無妙合乾坤鼎爐在  
其中天星地潮正如遍滿乾坤也說法臺煉丹所也臺前之  
氣象何如泥丸云山河大地發猛火張果云開爐已覺放光  
明此臺前之氣象也蓮社花開白雪春鉛花現如雪花白也

道藏輯要

三丰全集

靈沙真經

五

續畢集十  
X 8 X

上帝喻心君心愛真金卽運神火以煉之悟真謂更假丁公  
煅煉也是日是夕正逢月出庚方雖明演經之時正表求金  
之時也清光吐露照映虛危之穴碧落籥笙恰似永迎鉛入  
夫婦交歡景象捧爐信士卽指修丹之人我投彼家彼反主  
而我反賓賓主浮沉彼我顛倒極是求丹妙法從此修持得  
丹入鼎則陰消陽盛可解邪禳矣

天地不和誦真經風雷雨霽及時行節氣不和誦真經春秋冬  
夏能調勻邦國不泰誦真經東南西北慶咸亨民物不安誦真  
經山陬水澤盡歡欣九幽九獄聞真經可超滯魄度亡魂名山  
名院藏真經可接羽士引高僧

誦謂修持也天地比一身一身之運動無常則雨暴風飄坎  
離奔逸雷轟露冷男女驚狂欲使風雷雨露之順布則必善  
修真經也氣節言四時四時之政令不審則春卯秋酉沐浴  
乖違冬層夏霜陰陽反變欲使春夏秋冬之合符亦必善修  
真經也邦國比丹基真經安全則東南西北皆共慶民物亦  
比丹基真經泰定則山陬水澤皆相懼他如幽獄魂魄皆屬  
陰邪得真經而陰退也山院羽僧體存陽半得真經而陽全  
矣

真經妙諦包層層真經首重聖誕辰片晌信受亦生榮矧能永  
保登上乘千祥未可具數陳理函參透卽達瀛壖魏宣說靈妙

道藏輯要

三丰全集 靈妙真經

六 續畢集十  
X川X

經洞玄主宰天師孫

妙諦層層承上段而總束之民物邦國氣節天地其於築基  
煉已採藥和丹之層次密包其中然此篇真經只重金丹大  
事故開首卽講聖誕以比先天之生金丹以真陰真陽二入  
同類之物擒在一時煉成一粒陽丹其造化在片晌人能片  
晌信受卽能片晌生輝况又保而不失舉陽丹以合陰丹煉  
爲金液九還豈非更登上乘乎九還成就千祥雲集人能參  
透瑤函則與蓬山不遠也宣說此經闡揚靈妙若非洞參玄  
微之主宰其孰能之主宰爲誰張天師聖孫三丰祖師也惟  
真師能談真道夫豈易言者哉